

賢愚因緣經卷第十三

達三

元 魏 沙 門 慧 覺 譯

五百鷹聞佛法生天緣品第六十

如是我聞一時佛在波羅捺國爾時世尊於林澤中爲天人四輩之類演說妙法時虛空中有五百羣鷹聞佛音聲深心愛樂槃桓迴翔尋欲來下至世尊所時有獵師張施羅網五百羣鷹墮彼網中爲獵師所殺生忉利天父母膝上忽然生長如八歲兒身體端嚴顏貌無比光相明淨喻若金山便自念言我以

何因生此天中天人心聰神解即識宿命緣愛法聲果報生天當報其恩即共同時持天華香下閣浮提波羅捺國至世尊所天光明曜猶寶樹林一時曲躬禮世尊足合掌白言我蒙世尊說法音聲生在妙處願重矜愍闡示道要爾時世尊便爲演說四諦妙法天人開悟得須陀洹果即還天上不墮三塗隨緣七生得盡諸漏爾時阿難白世尊言昨夜有天光明照曜禮敬世尊不知其緣願見告示佛告阿難善思念之當爲汝說世尊昨日在

林澤中爲天世人四輩之衆敷演妙法有五百羣鴈愛敬法聲心悅欣慶即共飛來欲至

我所墮獵師網中於時獵師即取殺之因此

善心生忉利天自識宿命故來報恩爾時阿難聞佛所說歡喜踊躍歎未曾有而作是言如來出世實爲奇妙陶演法雨莫不蒙潤乃至禽鳥猶聞法聲獲福乃爾豈況於人信心受持計其累報過踰於彼百千萬倍不可爲比佛告阿難善哉善哉如汝所說如來出世多所潤益普雨甘露浸潤羣生以是之故當

共一心信敬佛法爾時阿難及諸衆會聞佛所說歡喜奉行

堅誓師子緣品第六十一

如是我聞一時佛在王舍城者閻崛山中爾時提婆達多恒懷惡心向於世尊欲害如來

自稱爲佛教阿闍世害父爲王新佛新王治理天下不亦快乎王子信用便殺其父自立爲王是時世人咸懷惡心於諸比丘惡不欲見佛諸比丘入城乞食人民忿恚咸不與語空鉢而出還到山中白世尊言提婆達多作

不善事使諸四輩各興惡心向於沙門爾時世尊告阿難言若有衆生起於惡心向諸沙門著染衣人當知是人則便惡心向於過去諸佛辟支佛阿羅漢向於未來諸佛辟支佛阿羅漢現在諸佛辟支佛阿羅漢以發惡心阿羅漢現向於三世諸賢聖故便獲無量罪業果報所以者何染色之服皆是三世賢聖標式其有衆生剝除鬚髮著染衣者當知是人不久當得解脫一切諸苦獲無漏智爲諸衆生作大救護若有衆生能發信心於出家著染衣人

獲福難量佛告阿難我由往昔於諸出家著染衣人深生信心敬戴之故致得成佛阿難白佛言世尊往昔深心敬染衣人其事云何願樂欲聞佛告阿難古昔無量阿僧祇劫此閻浮提有大國王名曰提毗總領八萬四千諸小國王世無佛法有辟支佛在於山間林中坐禪行道飛騰變化福度衆生時諸野獸咸來親附有一師子名號蹤迦羅毗此言堅誓軀體金色光相明顯煥然明烈食果散草不害羣

生是時獵師剝頭著袈裟內佩弓箭行於澤

中見有師子甚懷歡喜而心念言我今大利
得見此獸可殺取皮以用上王足得脫貧是
時師子適值睡眠獵師便以毒箭射之師子
驚覺即欲馳害見著袈裟便自念言如此之

人在世不久必得解脫離諸苦厄所以者何
此染衣者過去未來現在三世聖人標相我
若害之則爲惡心趣向三世諸賢聖人如是
思惟害意還自忿箭毒病兩行命在不久便說
偈言

耶羅羅 婆舍沙 婆呵

說此語時天地大動無雲而雨諸天駭惕即
以天眼下觀世間見於獵師殺菩薩師子於
虛空中兩諸天華供養其屍是時獵師剝師
子皮持至于家以奉國王提毗求索賞募時

王念言經書有云若有畜獸身金色相必是
菩薩大士之人我今云何資賞此人若與賞
者便爲共此殺害無異是時獵師素窮求哀
國王矜愍與少財物問獵師言師子死時有
何瑞應答言口說八字天地普動無雲而雨

天降諸華爾時國王聞是語已悲喜交集信
心益猛即召諸臣耆舊智人令解是義時諸
人衆都不能解空林澤中有一仙人字奢摩
字義仙人聰明詰達貫練使還白王王即請
達三
來仙人于時具爲大王解說其義耶羅羅其
四
義唯剃頭著染衣當於生死疾得解脫婆奢
沙云剃頭著染衣者皆是賢聖之相近於涅
槃娑呵云剃頭著染衣者當爲一切諸天世
人所見敬仰於時仙人解是語已提毗歡喜
即召八萬四千小王悉集一處作七寶高車

張師子皮表示一切悉共敬戴燒香散華而
以供養極盡忠心後復打金作棺盛師子皮
以用起塔爾時人民緣是善心壽終之後皆
得生天佛告阿難及四部衆爾時師子由發
善心向染衣人十億萬劫作轉輪聖王給足
衆生廣植福業致得成佛爾時號蹕迦毗羅
者豈異人乎今我身是也時國王提毗緣供
養師子皮故十萬億劫天上人中尊貴第一
修諸善本今彌勒菩薩是時仙人者今舍利
弗是時獵師者今提婆達多是爾時四衆從

佛聞說過去因緣心懷歡喜深自惋悼悲歎而言我等愚癡不識明喆生起惡心唯願如來憐愍愚癡聽悔前罪世尊弘慈因爲說法四諦微妙隨其宿緣皆獲諸果有得須陀洹斯陀含阿那含阿羅漢果者有發無上正真道意者是時阿難四部之衆聞佛所說歡喜奉行

梵志施佛納衣得授記緣品第六十二

如是我聞一時佛在舍衛國祇樹給孤獨園爾時世尊將侍者阿難入城分衛世尊身上

所著之衣有少穿壞將欲以化應度衆乞食周訖欲還所止有一婆羅門來至佛所爲佛作禮覩佛容顏光相殊特見佛身衣有少破壞心存惠施割省家中得少白疋持用施佛唯願如來當持此疋以用補衣佛即受之時婆羅門見佛受已心情歡喜倍加踊躍佛哀此人即與授決於當來世二阿僧祇百劫之中當得作佛神通相好十號具足佛授記已歡喜而去國中豪賢長者居士咸興此心云何世尊受彼少施酬以大報作是念已各

爲如來破損好斃作種種衣特用奉佛阿難問佛世尊先昔造何善行能令一切奉施衣服願佛爲說令得開解世尊告曰諦聽著心當爲汝說過去因緣阿難曰諾我當善聽佛告阿難乃往過去無量無數阿僧祇劫爾時有佛名毗婆尸出現於世與其徒衆九萬人俱彼時有王名曰槃頭有一大臣請佛及僧三月供養佛即許可既蒙可已還至其家辦具所須時槃頭王亦欲供養佛及衆僧往至佛所而白佛言願得如來及比丘僧三月供

養佛告槃頭吾先已受彼大臣請大人之法不宜中違王即還宮告其臣曰佛處我國吾欲供養云卿已請今可避我我供養訖卿乃請之臣答王言若使大王保我身命復保如來常住於此復令國土常安無災若使能保此諸事者我乃息意放王先請王自念言斯事巨辦復更曉曰卿請一日我復一日臣便可之更互設會各滿所願爾時大王爲彼如來辦具三衣皆悉豐足復爲九萬諸比丘衆作七條衣人與一領阿難當知爾時大臣以

上衣服施佛及僧供養之者豈異人乎則我身是我乃世世植福無厭今悉自得終不唐捐時阿難等聞說是已歡喜勤修造諸福業感懷踊躍頂戴奉行

佛始起慈心緣品第六十三

如是我聞一時佛在舍衛國祇樹給孤獨園時諸比丘夏安居竟往至佛所禮敬問訊佛以慈心慰喻撫恤汝等住彼得無苦耶慈心矜篤極懷憐愍阿難見之而白佛言世尊慈愍垂矜特隆不審世尊發如是心爲遠近耶

佛告阿難若欲知之當爲汝說過去久遠不可稱計阿僧祇劫有二罪人共在地獄獄卒驅之使挽鐵車剥取其皮用作車鞅復以鐵棒打令奔走東西馳騁無有休息時彼一人筋力尠薄獄卒逼之躋地便起疲極困乏絕死復甦彼共對者見其困苦興發慈心憐愍此人顧白獄卒唯願聽我躬代是人獨挽此車獄卒瞋恚以棒打之應時即死生忉利天阿難當知爾時獄中慈心人者我身是也我乃爾時於彼地獄受罪之時初發如是慈矜

連三

之心於一切人未曾退捨至於今日故樂修行慈愍一切爾時阿難聞佛所說歡喜奉行頂生王緣品第六十四

如是我聞一時佛在舍衛國祇樹給孤獨園與大比丘衆千二百五十人俱爾時世尊見諸比丘貪於飾好著於名利多畜盈長積聚無厭佛見此已爲諸比丘說貪利害夫貪欲者現損身命終歸三塗受苦無量所以然者吾自憶念過去世時由於貪故而便墮落受諸苦惱爾時阿難長跪叉手前白佛言世尊

過去由於貪故而便墮落其事云何世尊告曰乃往過去無量無邊不可思議阿僧祇劫此閻浮提有一大王名瞿薩離典斯天下八萬四千小國有二萬夫人嫁女一萬大臣時王頂上欵生一胞其形如蘭淨潔清徹亦不疼痛後轉轉大乃至如瓠便擘看之得一童子甚爲端正頭髮紺青身紫金色即召相師占相吉凶相師占已便答王言此兒有德雄姿奇特必爲聖主統臨四域因爲立字名文陀竭此言貞主年已長大英德遂著王以一國別

封給之大王後時被病困篤諸小王輩皆來瞻省不能自免遂便薨背諸附庸王共詣頂生而咸啞曰大王已崩願嗣國位頂生答言若吾有福應爲王者要令四天及尊帝釋來達三相迎授爾乃登祚立誓已竟四天即下各捉寶瓶盛滿香湯以灌其頂時天帝釋復持寶冠來爲著之然後稱揚諸王復勸當詣大國王即治處頂生復言若我有福應爲王者國當就我我不就國立誓適竟大國之中所有宮殿園林浴池悉來就王金輪象馬玉女神

珠典藏典兵悉亦應集王四天下爲轉輪王循行國界見諸人民墾地耕種王問臣吏此諸羣生欲作何等便答王言有形之類食得存是以種穀欲以濟命王立誓言若我有福應爲王者當有自然百味飲食充飽一切使無飢渴作願已竟尋有飲食王更出遊見諸人民紡績經織王復問言作此用爲諸人對曰食已自然無以嚴身是故紡織用作服飾王復立誓若我有福應爲王者當有妙衣自然而出現給萬民使無窮乏作願已竟應

時諸樹悉生種種異色妙服一切人民求得無盡王更出遊見諸羣黎修治樂器王因問之作此何爲諸人報言衣食既充足於音樂所以治此欲用自娛王復立誓若我有福應爲王者衆妙樂器當自然至作^{達三}_九願適竟應時諸樹若干種伎樂懸在其枝若有須者取而鼓之音聲和暢其有聞者無不歡豫王德至重萬善臻集天雨七寶遍諸國界王問諸臣此誰之德諸臣對曰此是王德亦因民福王復立誓若是民福寶當普雨若獨我德齊雨

宮內作願適竟餘處悉斷唯雨宮裏七日七夜其頂生王於闇浮提五欲自娛經八萬四千歲時有夜叉踊出殿前高聲唱言東方有國名弗婆提其中豐樂快善無比大王可往遊觀彼界王即允可意欲循行金輪復轉躡虛而進羣臣七寶皆悉隨從既至彼土諸小王等盡來朝賀王於彼國五欲自恣經八億歲夜又復唱西方有國名瞿耶尼亦復快樂王可至彼王即允然往遊其土食福受樂經十四億歲夜又復唱此方有國名鬱單曰其

土安豐人民熾盛王可到彼王即往詣留止
其中上妙五欲極情恣意經十八億歲夜又
復唱有四天王處其樂難量王可遊之王與
羣臣及四種兵乘虛而上四天遙見甚懷恐
怖即令徒衆出外拒之竟不奈何還歸所止
項生於中隨遊受樂經數十億歲意中復念
人衆悉住不轉王復知之即立誓願若我有
福斯諸仙人悉皆當來承供所爲王德弘博
能有感致五百仙人盡到王邊扶輪御馬共
至天上未至之項遙觀天城名曰快見其色
項生於中隨遊受樂經數十億歲意中復念
欲昇忉利即與羣衆踏虛登上時有五百仙
人住在須彌山腹王之象馬屎尿下落汙仙
人身諸仙相問何緣有此中有智者告衆人
言吾聞項生王欲上三十三天必是象馬失

此不淨仙人忿恨便結神呪令項生王及其
人衆悉住不轉王復知之即立誓願若我有
福斯諸仙人悉皆當來承供所爲王德弘博
能有感致五百仙人盡到王邊扶輪御馬共
至天上未至之項遙觀天城名曰快見其色
項生於中隨遊受樂經數十億歲意中復念
欲昇忉利即與羣衆踏虛登上時有五百仙
人住在須彌山腹王之象馬屎尿下落汙仙
人身諸仙相問何緣有此中有智者告衆人
言吾聞項生王欲上三十三天必是象馬失
瞰白高顯殊特此快見城有千二百門諸天
惶怖悉閉諸門著三重鐵關項生兵衆直趣
不疑王即取貝吹之張弓扣彈千二百門一
時皆開帝釋尋出與共相見因請入宮與共
分坐天帝人王貌類一種其初見者不能分

別唯以眼珣遲疾知其異耳王於天上受五欲樂盡三十六帝末後帝釋是大迦葉時阿修羅王與軍上天與帝釋鬪帝釋不如退軍入城頂生復出吹貝扣弓阿修羅王即時崩墜頂生自念我力如是無有等者今與帝釋共坐何爲不如害之獨霸爲快惡心已生尋即墮落當本殿前委頻欲死諸人來問若後世人問頂生王云何命終何以報之王對之曰若有此問便可答之頂生王者由貪而死統領四域四十億歲七日兩寶及在二天而

無獸足故致墮落是故比丘夫利養者實爲大患當思遠離深求道真阿難白佛此頂生王宿植何福而獲如此無量大報佛告之曰乃往過去不可計劫時世有佛號曰弗沙與其徒衆遊化世間時婆羅門子適欲娶婦手把大豆當用散婦是其曩世俗之家禮於道值佛心意歡喜即持此豆奉散於佛四粒入鉢一粒住頂由此因緣受無極福四粒入鉢王四天下一粒在頂受樂二天爾時諸弟子聞佛所說有得初果二果三果及阿羅漢者

不可稱數受持佛語歡喜奉行

蘇曼女十子緣品第六十五

如是我聞一時佛在舍衛國祇樹給孤獨園爾時須達長者末下小文字曰蘇曼面首端正容貌最妙其父憐愛特於諸子若遊行時每將共去於是長者將至佛所其女見佛情倍欣踊願得好香塗佛住室斯女手中有賓婆落佛從索之奉教便與佛尋於上書香種稷還以與之女共其父還歸城裏便行推買種種妙香如佛所須持詣祇洹躬自擣磨日

日如是時特又利國王遣其一兒使到舍衛初適他土廣行觀看漸漸展轉復至精舍見蘇曼女在中磨香愛其姿容欲得爲妻即往入城啓波斯匿王云有此女可適我意願王見賜勿違我志王問之曰是誰家女答言是須達女王言卿自從索吾不能知復重啓王王若相聽當自求之王言可爾彼國王見發遣子弟車乘衆物先歸本國唯留一象及己在後往至祇洹搏蘇曼女累騎而去須達聞之遣人追逐象走駛速不能及逮即達本土

便用爲婦後遂懷妊生卵十枚卵後開敷有
十男兒形貌殊好與人有異年遂長大勇健
非凡然喜畋獵傷害物命其母矜愍教使莫
爾諸子白母射獵之事最爲快樂母今相遮
將爲見憎母復告言吾愛汝等是以相制若
當憎汝終無此言所以者何夫殺生之罪當
達三
入地獄受諸苦惱數千萬歲常爲鹿頭羊頭
兔頭諸禽獸頭阿傍獄卒之所獵射無央數
歲雖思解脫其何由乎諸子白母如母所說
爲自出心從他邊聞母復告言吾昔從佛聞

如此事兒復問母佛者何人幸願具宣母告
諸子卿不聞乎迦維羅衛淨飯王子形相炳
著應爲聖王獸老病死出家學道願行成就
得無上果巨身丈六相好無比三明六通遐
鑒無外前知無窮却知無極觀省三世如掌
中珠諸子聞之心內欣然因更問母佛今近
遠爲可見不母便答言今在舍衛諸子啓母
求往觀佛母即聽之諸子同時共詣舍衛其
祖須達見之情悅倍加愛念將至祇洹奉觀
如來諸子見佛姿好形貌踰前所聞數千萬

倍五情欣喜不能自勝佛因隨緣爲說妙法
十人俱時得法眼淨便復白佛求索出家佛
問之曰汝父母聽不答言未諳佛言父母未
聽不得深化須達復言斯是我孫我得自在
達三
我今放之於理亦可佛便允然聽使爲道鬚
髮自墮法衣在身便成沙門精勤大業盡得
羅漢斯十比丘甚相欽敬行則俱進住在同
處國中人民莫不宗戴阿難白佛此十比丘
有何福慶生在貴家容貌奇特遭值世尊盡
於苦際佛告阿難乃往過去九十一劫有毗

婆尸佛出現於世教化畢訖而般涅槃分布
舍利起無量塔時有一塔朽故崩壞有一老
母而修治之有年少十人偶見老母曰何所
施爲老母語言斯是尊塔功德彌弘是以修
補欲望善果年少歡喜助共興功所作已竟
十三
誓爲母子其十年少願共同生從是已來九
十一劫天上人中恒與俱生受福快樂常有
三事勝於餘人一者形體端正二者衆所敬
愛三者恒得長壽經爾許時不墮三塗今遇
我世沐浴清化諸塵垢盡咸逮應真欲知爾

時老母者今蘇曼女是爾時十年少者今十
羅漢是佛說此時其在大會有得須陀洹斯
陀含阿那含阿羅漢者發大乘意逮不退者
信受佛語歡喜奉行

婆世蹟緣品第六十六

如是我聞一時佛在羅閱祇者闍崛山中于
時此國有豪長者名尸利蹟其家大富士寶
盈溢其婦懷妊月滿生男形容嚴妙世之少
雙父母喜慶深用自幸便請相師令占吉凶
相師占已語其二親斯子福德榮煥宗族長

者益歡情在無量因復勸請便爲立字相師
問曰從有此兒有何瑞應長者報曰其母本
來訥口鈍辭既懷此兒談語巧妙踰倍於常
便爲作字字婆世蹟年歲已大聰才邈羣與
其等輩遊行觀看見那羅技家有一女子面
貌淨潔暉容希有心便染著欲得聘娶歸啓
父母願爲求索父母告言吾是貴姓彼是凡
連三十四賤高卑非匹如何爲婚子情深愛不能自釋
重更啓言莫問門戶但論其身幸垂顧愍哀
爲我求若不如志便自殞命父母從之遣人

往求彼家報言君是大姓我是小人素非儔偶何緣得爾其兒慇懃勤情猶不息復更遣信重從索之彼家答言若能如我習種種術歌舞戲笑悉令備知及於王前試使得中然後乃當共作婚姻見惑其色不恥鄙事即詣彼家學習戲藝數時之間皆已成就是時國王集諸那羅上幢投窓空中索走如是種種衆多戲事時長者子亦往王邊次應現枝上索而走索走既竟王脫不見復勑更上奉命爲之氣力漸劣中道欲墮心中惶懼無所歸依

尊者目連陵虛至邊而告之曰如卿今日寧全身命出家學道爲靈隨死娶彼女耶尋報之言願自存濟不用女也目連即時於虛空中化作平地其人見已情怖便止因地而下得全身首既蒙安隱喜不自勝隨逐目連往詣世尊禮拜供養佛於是時廣說妙論所謂論者施論戒論生天之論欲爲不淨出要最^{達三十五}快心意暢解便得初果因復白佛願得出家奉修正法世尊聽之鬚髮自落法衣在身便成沙門比丘專精禪思遵修正業諸漏得盡

成阿羅漢慧命阿難前白佛言婆世躉沙門
往昔之時與彼女子有何因緣心染惑著僅
致危沒復共目連造何善因今蒙其恩而獲
寧濟復何因緣自致應真佛告阿難乃往過
去無量之劫波羅捺國有大長者初生一子
端正無比當于是時其家有人從海中來齋
一鳥卵用奉長者長者納受經少時間其卵
便剖出一鳥鵠毛羽光潤長者愛之與子使
弄漸漸長大互相懷念時長者子騎鳥背上
鳥便擔飛處處遊觀情既滿獸還歸其舍日

日如是經歷多時其長者子聞他國王作那
羅戲使乘斯鳥往至彼間來下觀看鳥住樹
上偶見王女情便染愛其時遣信謄說情狀
王女然可便與共交作事不密爲王所知遣
人推捕尋時獲得縛束其身而當斬戮長者
子言諸君何爲勞力殺我聽我上樹自投而
死諸人聽許便起攀枝而上乘騎其鳥翔虛
而去因此鳥故得延壽命佛告阿難彼時長
者子今婆世躉是爾時王女者今枝家女是
爾時鳥者則目連是過去世時惑色致因由

鳥得濟今復貪色垂當死亡由目連故致得
安隱其婆世蹟所說聰辯成無漏者乃往過

去波羅捺國有一居士見辟支佛來從乞飯

居士即時以食施與因復勸請令說經法其
辟支佛辭云不能擲鉢虛空跔騰而逝居士

達三

十六

念曰斯人神力變化無方然其不能敷宣道
化願我後生遭值聖尊勝於此士巨億萬倍
演敷法義無窮無盡令我身者亦獲果證由
此因緣今世聰明逮羅漢果佛說是時莫不
歡喜有得須陀洹斯陀含阿那含阿羅漢者

有種緣覺根者發菩薩心者皆信佛語頂戴
奉行

優波鞠提緣品第六十七

如是我聞一時佛在舍衛國祇樹給孤獨園
爾時此國有一梵志字阿巴鞠提聰明廣學
探古達今往至佛所求作沙門因復啓曰若
我出家智慧辯才與舍利弗等者情則甘樂
若當不如便自歸家佛尋答曰卿不如也時
彼梵志止不學道還歸其舍世尊於後告衆
會言我滅度已一百歲中此婆羅門而當染

化逮成六通智慧而遠教化衆生其數如塵
佛涅槃時告阿難言我滅度後一切經藏悉
付囑汝汝當受持廣使流布世尊既滅阿難
持法阿難後時復欲捨身告弟子耶貰鞞言
我去世後所有典要汝當護持因復告曰波
達三
羅捺國當有居士字曰迦提此人有子名優
波迦提卿好求索度用爲道卿若壽終以法
付之阿難滅已此耶貰鞞奉持佛法遊化世
間所度甚多復至波羅捺往造居士與共相
識數數往來其彼居士生一男兒字阿巴迦

提年在幼稚于時耶貰鞞往從索之欲使爲
道其父答曰始有一子當紹門戶不可爾也
若後更生便用相給後復生男子字難陀迦
提耶貰鞞復往從索其父報言大子營外次
子營內於其家居乃可豐隆情中戀情未能
相許若後更有信當奉惠此耶貰鞞是阿羅
漢三明具足能知人根觀此二兒與道無緣
貌端妙形相殊特時耶貰鞞復往從索其父
報曰兒今猶小未能奉事又復家貧無以餉

送且欲停之須大當與年漸長大高才器盛
父付財物居肆販賣時耶貰鞍到其邊而
爲說法教使繫念以白黑石子用當籌算善
念下白惡念下黑優波瓈提奉受其教善惡
之念輒投石子初黑偏多白者尠少漸漸修
習白黑正等繫念不止更無黑石絕有白者
善念已盛逮得初果時彼城中有姪女入遣
婢持錢往從買華優波瓈提心性質直饒與
其華不令有恨婢齋華歸姪女甚怪問其婢
言前日買華用錢一種往何以少今何以多

將無前時相欺減乎婢答之言今日華主慈
仁守禮平等相與所以饒獲又復其人形體
殊妙大家若見沒不有恨姪女聞之遣信請
喚優波瓈提自抑不往又復延召終不從命
于時姪女與王家兒而共交通連三十六貪其衣服衆
寶所成利興義乘殺而藏之王家搜覓於其
舍得尋取姪女斬截手足劓其耳鼻懸於高
標豎置家間雖荷此苦然未命終優波瓈提
往到其所姪女謂言往者端正不肯相見今
日形殘何所看乎尋即對曰吾不愛色而來

至此用相憐故來到此耳因爲宣說四非常法是身不淨苦空無我一一諦察有何可恃愚惑之徒妄生染想姪女聞法逮法眼淨優波鞠提成阿那含時耶貰鞞復從居士索此少年用作沙彌奉教持與將至精舍授其十戒年滿二十便授具足四羯磨竟得阿羅漢道三明六通皆悉滿具言辭巧妙所演無窮便集衆人欲爲說法時魔波旬於會處所而雨金錢衆人競拾竟不聞法於第二日復集大衆魔雨華鬚以亂衆心於第三日復集大

衆魔王便化作一大象紺瑠璃色口有六牙其一牙上有七浴池其浴池中有七蓮華一蓮華上有七玉女斯諸玉女皆作妓樂其象優遊徐步會側衆人顧目情不存法於第四日復集大衆魔王復化作一女人端正美妙侍立尊後衆人注目忽忘法事于時尊者尋化其女令作白骨衆人見已乃專聽法得道者衆尊者本來有一狗子日日於耳竊爲說法其狗命終生第六天與魔波旬共坐一牀魔王思惟此天大德乃與我等爲從何設而

來生此尋觀察之知從狗身彼沙門者相辱乃爾遙伺尊者入禪定時持一寶冠著其頭上既從定起覺頂有冠尋便思察知魔所爲即以神力感魔使來化其狗屍令似鬟飾而告魔言汝遺我冠深識來意今以鬟飾用相酬贈魔王受已便還天上而見所著乃是死狗心中厭惡而欲去之盡其神力不能令却復詣帝釋求除不淨帝釋報言其作此者斯人能捨非是吾力之所任施魔王復去廣問諸天乃至梵天向之嘉言願除茲穢各答如

初非力所辦事不獲已來詣尊者而謂言曰佛實大德慈心無邊諸聲聞輩誠爲凶忌何以驗之我乃昔日將諸魔兵凡十八種攻圍菩薩欲敗其道猶懷慈悲不以爲怨我今小觸相困乃爾尊者答言理實如是佛之於我百千萬倍不可爲喻如須彌山比彼芥子如大海水方於牛跡如師子王喻於野干大小之形實不相及尊者語魔吾生末世不見如來聞汝神力能化作佛試爲一現我欲觀之魔王答言我今化現慎莫爲禮對曰不禮是

時魔王化身作佛軀體丈六紫磨金色三十二相八十種好光明赫奕踰倍日月尊者欣悅便前稽首魔還復形語尊者言向云不禮今作禮何尊者答言我自禮佛不禮於汝魔復謝曰唯願矜愍却此死狗尊者告曰汝起慈心擁護羣生則此死狗變成寶飾若懷惡意則作狗屍魔以畏故恒發善想是時尊者成道已後所化衆生得四果者一人一籌籌長四寸如此之籌滿於一房房高六丈縱廣亦爾於是衆人白尊者言尊者福德實爲弘

博化度羣萌不可稱數尊者告曰吾爲畜生時亦化衆生使得聖果何況今日衆會白言不審先世所度云何尊者告曰乃往過去波羅捺國有一仙山五百辟支佛止住其中時有獼猴日來供養奉覲儀容諸辟支佛後盡徙去復有五百梵志續在中止諸梵志等或事日月或復事火事日月者翹腳向之其事火者朝夕然之時彼獼猴見其翹腳便取挽下見其然火便取滅之獼猴于時端坐思惟諸梵志見自相謂言此獼猴者將爲我曹示

茲威儀尋各整身諦察真理心意開解盡得
辟文佛道彼獼猴者我身是也衆會復白以

何因緣受獼猴身尊者告曰乃往過去九十
一劫有毗婆尸佛出現于世有諸比丘在波
羅捺仙山中住時有應真登上山巔放腳輕

達三

十一

疾有一年少道人而作是言彼行飄速正似
獼猴由此因緣五百世中常作獼猴以是之
故凡有四輩應自護口勿妄出言尊者優波
毘提說此法時一切大會有得須陀洹斯陀
含阿那含阿羅漢者種緣覺善根者發大乘

心逮不退者不可稱計信受其教歡喜奉行
汪水中蟲緣品第六十八

如是我聞一時佛在羅閱祇耆闐崛山中爾
時城邊有一汪水汙泥不淨多諸糞穢屎尿
臭處國中人民凡鄙之類恒以瑕穢投歸其
中有一大蟲其形像蛇加有四足於其汪水
東西馳走或沒或出經歷年載常處其中受
苦無量爾時世尊將諸比丘前後圍繞至彼
坑所問諸比丘汝等叵識此蟲宿緣所造行
不時諸比丘咸皆思量無有能知斯所造行

俱共白佛皆云不知時佛告曰汝等當聽吾當爲汝說斯所造行過去有佛名毗婆尸出現於世教化已周遷神涅槃彼佛法中有十萬比丘淨修梵行閑居樂靜依於一山其山左右有好林樹華果茂盛蓊鬱無比其諸樹間流泉浴池清涼可樂時諸比丘依慕住止遵善行道勤修不懈悉具初果乃至四果無有凡夫時有五百賈客共相合集欲入大海發引徑路經由此山見諸比丘剋心精勤內懷欣敬思欲設供時諸賈客共相合率往詣

衆僧求索供養值諸檀越各各已請日日相次理不從意即詣衆僧辭入大海設我等衆安隱來還當設供養願哀見許時僧默然允可受請衆賈入海大獲珍寶平安還至到衆僧所選衆妙寶最上價者用施衆僧規俟飲食若食多者隨意用之於時衆僧受其寶物持用付授僧摩摩帝於後衆僧食具向盡從其求索爾時珍寶當用續食時摩摩帝答衆僧言賈客前時自與我寶何緣乃索上座維那語摩摩帝檀越前時以寶施僧令汝舉之

今僧食盡當用俾佐時摩摩帝瞋恚而言汝
曹敢屎此寶是我所有何緣乃索時彼衆僧
見摩摩帝已起惡意即便散去由其欺僧惡
口罵故身壞命終墮阿鼻獄身常宛轉沸屎
之中九十一劫乃從獄出今復墮此屎尿池
中經歷年歲未由得脫所以者何過去有佛
號曰式棄將諸比丘臨過此坑示諸弟子爲
說本末復次有佛名曰隨葉亦復將從諸比
丘衆俱往到其所說其因緣從此命終還入
地獄經歷數萬億歲從後命終復生是中次

復有佛名曰拘留秦亦共徒衆圍繞至此坑
所垂示諸比丘說其本末次名拘那舍牟尼
佛亦共弟子來至此坑次迦葉佛亦來至此
咸爲弟子說其因緣次第七佛我釋迦牟尼
今示汝等因緣本末觀視其蟲如是一切賢
劫千佛各各皆爾將諸弟子到其坑所指示
其蟲說其曩昔所造因緣時諸比丘聞佛所
說心驚毛豎共相勸懼慎護身口意業信受
佛語歡喜奉行

沙彌均提緣品第六十九

如是我聞一時佛在舍衛國祇樹給孤獨園爾時尊者舍利弗晝夜三時恒以天眼觀視世間誰應度者輒往度之爾時有諸賈客欲詣他國其諸商人共將一狗至於中路衆賈頹息伺人不看閑靜之時狗便盜取衆賈人肉於時衆人即懷瞋恚便共打狗而折其脚棄置空野捨之而去時舍利弗遙以天眼見此狗身攀躋在地飢餓困篤懸命垂死著衣持鉢入城乞食得已持出飛至狗所慈心憐愍以食施與狗得其食濟活餘命心甚歡喜

倍加踊躍時舍利弗即爲其狗具足解說微妙之法狗便命終生舍衛國婆羅門家時舍利弗獨行乞食婆羅門見而問之言尊者獨行無沙彌耶舍利弗言我無沙彌聞卿有子當用見與婆羅門言我有一子字曰均提年既孩幼不任使令比前長大當用相與時舍利弗聞彼語已即戢在心還至祇洹至年七歲後來求之時婆羅門即以其兒付舍利弗令使出家時舍利弗便受其兒將至祇洹聽爲沙彌漸爲具說種種妙法心竟開解得阿

羅漢六通清徹功德悉備時均提沙彌始得道已自以智力觀過去世本造何行來受此形得遭聖師而獲果證觀見前身作一餓狗蒙我和尚舍利弗恩今得人身并獲^{達三}道果欣心內發而自念言我蒙師恩得脫諸苦今當盡身供給所須永作沙彌不受大戒爾時阿難而白佛言不審此人曩昔之時興何惡行受此狗身造何善根而得解脫佛告阿難乃往過去迦葉佛時有諸比丘集在一處時年少比丘音聲清雅善巧讚唄人所樂聽有一

比丘年高者老音聲濁鈍不能經唱每日出聲而自娛樂其老比丘已得羅漢沙門功德皆悉具足于時年少妙音比丘見老沙門音聲鈍獨自恃好聲而訶之言今汝長老聲如狗吠輕訶已竟時老比丘便呼年少汝識我不年少答曰我大識汝汝是迦葉佛時比丘上座答曰我今已得阿羅漢道沙門儀式悉具足矣時年少比丘聞其所說心驚毛豎惶怖自責即於其前懺悔過咎時老比丘即聽憇悔由其惡言五百世中常受狗身由其出

家持淨戒故今得見我蒙得解脫爾時阿難聞佛所說歡喜信受頂戴奉行

賢愚因緣經卷第十三

三

三

音釋

蹠直加駭惕駭下楷切驚也惕誥之列
也知也悼惋惋沈鳥貫切懊歎也
比角切鞅倚兩到切傷哀也
切𦵹𦵹吉典切
也𦵹𦵹衣也𦵹𦵹胡故切
搏博陌切甚少也蘇典切
分擘也覩背交莞切
也覩覩交莞切

也蹠蒲弘切碎也背祚靖故切循詳倫切墾也
績麻切棄也止忍切敵吉了切駒輪掘口
也得中仲切剖普厚切洞閻也
也鷄崇努切營徒登切翫渠竹
也覩也月逐言也翫切
刑疑器切翁鬱翁鳥孔切簪纏
也賈果五切擎擎草木盛貌曩乃朗切
坐賤五切擘擘員切手拘率也
也擘也擘必益切足跛也

永樂北藏

賢愚因緣經

第一二八冊